

Kugbɔnku kua Pɔl kele' ki de'
Kolɔs
yaab nnɔ
Nà wɔngh kugbɔnku kuu te
ma bo

Kolɔs yé Asi ya tinfɛnm ya ducien uba nɛ. Ní naan Pɔl nin u'yul ɲa jon' ní'bó. U'tonsɔntɔ Epafas nɛ cin' ki tɔke' ní'bó Yesu ya gber (1:7; 4:12).

Pɔl cii' bitonnɛndɛnb biba wɔknh Kolɔs yaab miwɔknm mà ɲa kpe sɛn ki tɔkeh bɛ ki teh bi li paan iyaajɛbok bo nɛ kí ɲmɛrɛ. U te lipɛkl ni ka ń fre kí jo ní'bó ma nnɔ nɛ ki kele' kugbɔnku kuu nɔ ki de' bɛ.

Kí cin liyul 1:1 kí tí baa 2:5 Pɔl wuɔn' ki ye Yesu Kristo nɛ ɲmɔbe mituɔm tibont kɛ bo, ki yé u'taanl ya yul. Wɔn nɛ kpɛ bɛ ń li pukeh wɔ.

Kí cin iyul 2:6 kí tí baa iyul 2:23 Pɔl tɔkeh Kolɔs yaab ki teh bɛ ń liike bi'yul bo, ki la li cengeh binib bà wɔknh miwɔknm mà ɲa kpe sɛn nnɔ ya gber, ama bɛ ń li co bi ɲmɔbe mitekjim mà nnɔ kenken.

Kí cin iyul 3 kí tí baa 4:6 Pɔl tɔkeh bɛ bi li fuobe ma bo itáan ni nin idɛncɛn ni nin binitɔb nɛ. U tí fɔrɛ' kugbɔnku kuu nɔ nin ifuonde nɛ (4:7-18).

Ifuonde

¹ Min Pɔl, n yé *Yesu Kristo ya tond nɛ Uwien ya yíem bo. Min nin tí'ninjɛ Timote nɛ kieh kugbɔnku kuu tí de ² ninbi tí'yaab bà te Kolɔs ya du ni ki yé Uwien yaab ki du Kristo bo nnɔ. Tí'Baa Uwien ń juoke nɛ, kí de nɛ uyɛnduɔn.

Pɔl faareh Uwien Kolɔs yaab bo

³ Uyo wà kɛ ti kàareh ti Yonbdaan *Yesu Kristo ya Baa Uwien ki dienh nɛ la, ti tuu ki faareh wɔ ni'bo nɛ; ⁴ kimɛ ti cii' ni tùɔre' ki teke' *Yesu Kristo ki jin', ki tùɔre' ki yíe Uwien ya nib kɛ ⁵ kí ñɛ lidɛndɛnl là Uwien ble' lè paaki bó ki gu nɛ nnɔ bo. Ni cii' lidɛndɛnl nnɔ bó lidaali là bi cinde' ki tɔke' nɛ tigbɛmɔnmɔnt tà yé tigbɛmɔnt nnɔ nɛ. ⁶ Bi tɔke' nɛ tigbɛmɔnmɔnt nnɔ ma bo nnɔ, bi tɔke' tù nnɔ nɛ uɛndun ni ni'kɛ saan, tù cèreh binib teknh *Yesu ki jinh ki yɛbreh ki joh, ki teh nà mɔn. Tù là tien' ni'mɔ nnɔ nɛ, lidaali là ni cinde' ki cii' Uwien ya juokm ya gber ki bende' tù mɔnmɔnm nnɔ. ⁷ Ti'jɔ nin ti'tonsɔntɔ Epafa nɛ wɔkn' nɛ. U yé ni'bo Kristo ya tonsɔnl wà ti du u'bo nɛ. ⁸ U tɔke' tɛ *Mifuoñaanm cèreh ni yíe tɔb ma bo.

⁹ Nɛn bo nɛ haali nin lidaali là ti tí cii' ni'gber nnɔ, ti kàareh ki dienh nɛ ka pieh, ki gbáanh Uwien wɔ rí cère u'Fuoñaanm rí de nɛ miyɛnfuom nin mibɛnm isɛn kɛ ni, ɲɔ ní bende u yíe nà kí tí gben. ¹⁰ Nnɔ nɛ ni li ɲmɔbe mitetem mà selndeh Yonbdaan, ki li teh nà kɛ sɔnge u'yɛnm, ki li sɔnh itùonmɔnmɔn kɛ ya bol, ki li tùɔreh ki bendeh Uwien mɔ ki pukndeh. ¹¹ Ti gbáanh wɔ ki teh u'tuɔm mà ɲmɔbe ukpieke nnɔ rí cère ni'mɔ rí lɛ mituɔm kí li faa isɛn kɛ ni, kí li ñikndeh, kí li ɲmɔbe kuminku mibiikm mà kɛ li tu nɛ ni. ¹² Li faareh mɛn Baa Uwien nin uyɛnsɔnge, kimɛ u tien' nɛ binib bà kpɛ bɛ rí lɛ bi ya bó u bonde' mimɔnm mà u'bel là yé kuwenwenku ni ki ble' bà yé u'yaab nnɔ. ¹³ Wɔn nɛ fie' tɛ licinñunl ya tuɔm saan, ki nebre' tɛ ki jon' u'Bijɛ wà u yíe wɔ ya bel ni. ¹⁴ U'Bijɛ nnɔ nɛ dɛ' tɛ ki wiɛ', ki cère' u fère' tɛ ti'biere.

Iyuon yà dondeh Kristo

¹⁵ U yé Uwien wà ba lenh wɔ ya nennɛnku nɛ,
ki te ki laa' uɲɛndun ɲa laan te,

¹⁶ Uwien cèrɛ' wɔn nɛ ñɛn' tibont kɛ,
kutaaku bo yaar nin kitink bo yaar,

bi lenh tà nin ba lenh tà,

Tibont tà kɛ te kutaaku bo ki ɲmɔbe mituɔm kɛ ya
bol,

nin tà kɛ ɲmɔbe ticiɛnt kɛ ya bol,

Uwien cèrɛ' wɔn nɛ ñɛn' tu'kɛ,

nɛ tu'kɛ mɔ yé u'yaar nɛ.

¹⁷ U te ki laa' tibont kɛ ɲa laan te,

wɔn nɛ cèrɛ' tibont kɛ te tu'buɔl.

¹⁸ Wɔn nɛ yé u'taanl ya yul,

nɛ u'taanl yé u'gbɛnɛnt,

Wɔn nɛ yé micincinm,

ki yé wà kpɛ' ki mɛkre' bitɛnkpiib ni,

ɲɔ wɔ ní li yé usɛnlier isɛn kɛ ni.

¹⁹ Kimɛ Uwien ya yíem bo nɛ wɔn nin u'yul te
u'Bijɛ ni ki tì gben',

²⁰ ki cèrɛ' u'Bijɛ bugben bo,

wɔn nin uɲɛndun taan' buñɔbu,

ɲɔ ni'kɛ ní li yé u'Bijɛ yann,

u'Bijɛ ya sɛm mà ñɛn' ki wule' udɔpɔnɔn bo nnɔ bo
nɛ,

u cèrɛ' uñɔkpaan te kitink nin kutaaku bo.

²¹ Uyo uba ni'mɔ là yé binib bà jɛnde' Uwien nɛ,

ki yé u'nennɛndb kí ñɛ ni là ɲmɔbe iyɛnmaale yà ì

cèrɛh ni teh nà bre nnɔ bo. ²² Ama fɛnfɛnnɔ Uwien

cèrɛ' ninbi nin wɔn taan' buñɔbu kí ñɛ u'Bijɛ tien'

u'ba unisaal ma ki tuo' ki kpo' nnɔ bo. Uwien tien'

nnɔ ɲɔ ní fre kí sere u'nun bó, kí li yé u'yaab, ki

la ɲmɔbe jɔknt, ki la li ɲmɔbe biil mɔ nɛ. ²³ Ama

ní li faa mitekjim ni, kí li co kenken. Ni là cii' tìgbem̄nm̄nt ma nn̄o, tù cèrè' ni ñm̄obe lidend̄enl n̄e. Ni la wiε lidend̄enl nn̄o. Bi kpaande' tù utingben bo ya nib kε saan n̄e. Nε min P̄ol ya tuonl si: ñ kpaande tu ya gbem̄nm̄nt n̄e.

P̄ol m̄àh ki toreh Kristo ya taanl

²⁴ Fεnfenn̄o n jinh ijend yà ni'bo n̄o n'yεnm s̄onge n̄e; kime Kristo là jin' ijend yà nn̄o, n'm̄o tükre' i ya jend n̄e ki jèndeh u'taanl là yé u'gbenent nn̄o bo. ²⁵ N yé litaanl nn̄o ya tons̄onl ño ninbi bo, Uwien de' nni lituonl là nn̄o ñ s̄on lè n̄e. Lεn si: ñ t̄ake n̄e Uwien ya gber kí t̄i f̄ore. ²⁶ Tù yé tìgbεb̄lkaar tà Uwien là b̄ole' tù uyo bo yaab n̄e. Nε fεnfenn̄o u kpiire' tù ki t̄ake' u'yaab. ²⁷ U yíe bε ñ bende tìgbεb̄lkaar nn̄o yé lifaal ki t̄i kpε ma bo n̄e, ki ñm̄obe ukp̄ieke bà ña yé *Sufmbε ni. Ni'tingi si: Kristo te ni'siik ni ma nn̄o, ni ñm̄obe lidend̄enl ki ye ni li lε Uwien ya kp̄ieke. ²⁸ Ti t̄akeh w̄on Kristo ya gber n̄e, ki gbierreh unil kε, ki taah miyεnfuom kε ya bol ki w̄oknh unil kε ño unil kε ñ li m̄on Kristo ya s̄en ni kí t̄i gben. ²⁹ Nεn bo n̄e n s̄onh lituonl. Kristo ya tūom mà te n'gben ni ki ñaanh nn̄o n̄e cèreh n m̄àh lituonl bugben bo nin inunm̄ón.

2

¹ Im̄on, n yíe ní bende n m̄àh limūal là ya tunbu nin inunm̄ón ninbi nin Lawodise yaab nin binit̄ab bà kε ña laan laa' nni nin bi'nunbu bo n̄e. ² N teh nn̄o ño bi'f̄el ñ li co, bε ñ li kpε buñ̄obu, kí li yíe t̄ob, kí li ñm̄obe mibenm̄ kí t̄i gben n̄e. Mibenm̄ nn̄o n̄e li cèrè bε ñ bende Uwien ya bonb̄lkaann. Nεn si:

Kristo bugben. ³ Miyenfuom nin mibenm ηmabe lifaal là ke nnò buò wòn saan ne.

⁴ N takeh ne nen ηò uba la taa ñonmaagber tuba kí lere ne ne. ⁵ Kimε nin ma te ni'ni ma ke nnò, n tuu ki maaleh ni'bo ne. N'yenm sange ni'bo, kimε n laa' tibont ke te tu'donbó ne ni'bùol, ki laa' ni du Kristo bo nin ni'fèl ke.

Kristo ne dienh limiel

⁶ Ni teke' ki ye *Yesu Kristo ne ye Yonbdaan ma nnò, li pe men u'sen bo. ⁷ Tùore men kí tēbn wò, kí cère ni'miel í li juòn u'bo. Li faa men mitekjim ni ten bi là wàkn' ne ma bo, kí li faareh Uwien yo ke yo. ⁸ Li ben men, ki la cère uba í dele kí cuo ne nin tinisaalyenfogber. Tù yé gbefenm ne, ki yé kutonnenku mò, ki ñen' unisaal ya yaajebok nin isenpol yà ηuuke uηendun wuu nò saan, ta ñen' Kristo saan. ⁹ Kimε Uwien nin u'yul te wòn Kristo ni ne ki tí gben'. ¹⁰ Ninbi nin wòn Kristo taan' ki tien' unibaab ma nnò ne ni laa' mimòm ke ki tí gben'. Wòn ne cen' nà ke ηmabe mituòm nin ticiēt ke ya bol.

¹¹ Ninbi nin wòn taan' ki tien' unibaab ma nnò, nì te ten ni jìe' ni'pun ne. Upunjiε nnò ηa yé nisaal jeh ipun ma bo, ama u ñen' Kristo saan ne ki gbendeh minisaaltetem mà cèreh unil teh ibiere nnò ya gber. ¹² Bi sli' ne Uwien ya ñunm ma nnò nì wuòn' ki ye bi taan' ki sube' ninbi nin Kristo ne, ne ninbi nin wòn taan' ki mekre' mò, kimε ni teke' Uwien ya tuòm mà cère' u mekre' bitenkpiib ni nnò ki jin'. ¹³ Ni là te ten bitenkpiib ne Uwien ya nun bó, kimε ni là teh ibiere ne, ka yé u'nib* mò. Ama u

* **2:13** Bi lebre' liñabonl là ki ye ka yé u'nib nnò; li kele' Grekmbε ya lenm ni ki ye: Ni là yé binib bà ηa jìe' pun ne.

cère' ni lièbe' ki fuobe nin Kristo, ki fère' tɛ ti'biere kɛ. ¹⁴ U ηmire' tigber tà bi là kele' tù kugbɔnku ni tù biindeh tɛ, ka cendeh nin ti'fuobm kí ñɛ tù ble' iwɔb yà nnɔ bo; ki gben' kugbɔnku nnɔ ya gber Kristo ya dɔpɔnpɔn bo.

¹⁵ Kristo fie' nà kɛ ηmɔbe mituɔm nin ticiɛnt kɛ ya bol ya jɛkɔnwɛnt, ki jin' nè ifɛ binib kɛ ya nun bó, ki tuke ni'kɛ ki lindeh wɔ ní wuɔn kí ye udɔpɔnpɔn nɛ cère' u mɔn' ki faake'.

¹⁶ Nɛn bo, la cère mɛn uba ní kùɔn nɛ kí ye ni la ji niɛ, ki la ñu niɛ, ki la cère uba ní wɔbn nɛ libinl ya nacent nin uηmaafaan ya nacentku nin *Saba ya daali ya gber bo. ¹⁷ Tu ya bont yé nà li baa ní ya jinjinku nɛ, ama Kristo bugben nɛ yé nibonmɔnn. ¹⁸ La cère mɛn bà bɔndeh binib ya nun bó ki teh bi yé binib bà dinge, ki pukeh Uwien ya tondb nnɔ ní juon nɛ puoli. Bi lienh ki teh bi lenh tibont tidɛknt yaam, nɛ ki ηmɔbe inisaalyɛnmaale, ki teh tinacenkenkuont. ¹⁹ Ba tuuke Kristo bo. Ama u'mɔ nɛ yé liyul. Liyul nɛ jindeh tigbenɛnt kɛ, ki cèreh tigbenɛnt ya bont tuuke tu'tɔr bo ijire coco tù, nɛ Uwien cèreh tù kpient u yíe ma bo.

²⁰ Ni taan' ki kpo' nin Kristo nɛ ki ñɛn' isɛnpol yà ηuuke uηɛndun wuu ya nuɔ ni. Nɛn bo, bɛ tien' ni biɛ ki cèreh bi wɔbndeh ki dienh nɛ i ya kùɔn tɛn uηɛndun nɛ cère' ni fuobe? ²¹ Bɛ tien' ni cèreh bi kùɔndeh nɛ ki teh: la taa mɛn niɛ, ki la lèn niɛ, ki la mɛ niɛ. ²² Nɛn kɛ yé iwɔb yà te ki de' tibont tà binib jin' tù ki tì gben' la, ta ji ηmɔbe kpɛle nɛ. Unisaal nɛ ñɛn' i ya wɔb ki wɔknh yè binib. ²³ Iwɔb bugben ya gber te tɛn miyɛnfuom nɛ ka ji yé yɛnfuom. I tɔkeh unil ya yɛnm yíe wɔ ní li pukeh nà ya gber nɛ, ki cèreh binib teh tɛn bi jiindeh bi'ba tingi, ki jèndeh

bi'ba. Iwɔb nnɔ ɲa yé bonn, i toreh unisaal wɔ ń li teh u'yɛnm yíe ná baba nɛ.

3

Li nuunh mɛn tibont tà yé Uwien yaar

¹ Ni taan' ki mɛkre' nin Kristo ma nnɔ, li nuunh mɛn paaki bó ya bont Kristo kɛ ná saan Uwien ya jie bó nnɔ. ² Cɛre mɛn ni'yɛnmaale ń li pɛ tibont tà te paaki bó bo, ki la tɔnge tingi ni yaar. ³ Kimɛ ni kpo' nɛ ni'miel buɔ Kristo saan, nɛ Kristo mɔ buɔ Uwien saan. ⁴ Kristo nɛ yé ni'miel. U lá li ñɛn u'ba upaan bo uyo wà nnɔ ni'mɔ li taan nin wɔ kí ñɛ upaan bo, kí lɛ u'kpɛke.

Mitetekpaam nin mitetefɛnm ya gbɛr

⁵ Sii ki subn mɛn tibont tà te ni'fuobm ni ki yé kitink bo yaar nnɔ. Tun si: lisɔnsɔndl nin linaɲmaal nin ujennieke nin iyɛnmaalbiere nin ununfɔke lifaaciɛnl bo. Lifaaciɛnl yé unil bo ibule nɛ. ⁶ Nɛn nɛ cɛreh Uwien ya benku ni beh bà ɲa ciuh u'ñɔbu bó nnɔ bo. ⁷ Uyo wà ni là teh i ya biere nnɔ, ni'mɔ là ɲmɔbe mi ya tetem nɛ. ⁸ Ama fɛnfɛnnɔ, ni'mɔ ń wiɛ tibont tuu kɛ. Tun si: ubɛnpiebe nin tijɛr nin mibiɛrm nin isuk nin iñɔbonbil yà ñɛh ni'ñuɔn ni nnɔ. ⁹ La tɔkeh mɛn tɔb tonnɛngbɛr. Ni gben' ni'tetekpaam nin mɔ là cɛreh ni teh tibont tà kɛ nnɔ ya gbɛr, ¹⁰ nɛ ki taa' mitetefɛnm, ki ji yé binifɛnb. Uwien nɛ cɛreh ni tuu ki fɛndeh ki joh, ki nɛngreh wɔn wà ñɛn' nɛ nnɔ. Nnɔ nɛ ni li tɔɔre kí bɛnde wɔ. ¹¹ Nɛn bo, na ji ɲmɔbe wuɔ yé Suf nɛ wuɔ ɲa yé Suf, ka ji ɲmɔbe wuɔ yé wà jie' u'punl nɛ wuɔ yé wà ɲa jie' u'punl, ka ji ɲmɔbe wuɔ yé ucaan nɛ wuɔ yé wà ya nun ɲa wien, ka ji ɲmɔbe wuɔ yé uyonb nɛ wuɔ

ɲa yé yonb. Ama Kristo nɛ yé ni'bo nibonn kɛ ki te unil kɛ ni.

¹² Uwien nɛ gènde' nɛ ki tien' nɛ u'yaab, ki yíe nɛ. Nɛn bo, cère mɛn ni'nun rí li món tinimònt bo, kí li muoh tɔb micɛɛkm, kí li jiindeh ni'ba tingi, kí li ɲmɛ nin tɔb, kí li ɲmɔbe liyɛnguol, ¹³ kí li ɲmɔbe sukle tɔb bo. Uba kɔnh nin u'tɔ nibonn niba bo la, bɛ rí li fèreh tɔb. Yonbdaan fère' nɛ ma nnɔ ni'mɔ rí li fèreh tɔb. ¹⁴ Ni li tùɔreh ki teh nà si: ní li yíe tɔb nɛ, kimɛ miyíem nɛ cèreh binib tùɔreh ki te uñɔkpaan ni. ¹⁵ Kristo ya yenduɔn rí li te ni'fèl ni ki pekreh nɛ. U ya yenduɔn bo nɛ Uwien yin' nɛ ní taan kí li yé unibaab. Nɛn bo, li tuu ki faareh wɔ mɛn.

¹⁶ Cère mɛn Kristo ya gbɛr rí tùɔre kí kpɛ iñaan ni'fèl ni. Li wɔknh mɛn tɔb, kí li taah miyɛnfuom kɛ ya bol ki gbierɛh tɔb. Li dondeh mɛn Uwien, kí li gɛh iyuon kɛ ya bol nin ni'fèl kɛ ki faareh wɔ. ¹⁷ Ni lienh nà kɛ bii ni teh nà kɛ la, cère mɛn ni'kɛ rí li yé Yonbdaan *Yesu ya yel bo, kí li faareh Baa Uwien wɔn bo.

Kristo yaab li fuobe ma bo bi'dencɛn ni

¹⁸ Bipiibɛ, li blinh mɛn ni'yul ni'ciɛb ya nun bó. Ní kpɛ bipiib bà pɛ Yonbdaan bo rí li teh nnɔ nɛ. ¹⁹ Bijɛbɛ, wà kɛ rí li yíe u'po, ki la cère u'benku ni rí li pendeh u'bo. ²⁰ Mubumu, li boh mɛn ni'naambɛ nin ni'baambɛ isɛn kɛ ni, kimɛ nɛn nɛ sɔnge Yonbdaan ya yɛnm. ²¹ Bibaambɛ, la cèreh mɛn ni'bumu ya yɛnm rí li ñɛh ni'ni. Ni teh nnɔ la, mu'yɛnm li saa nɛ.

²² Iyonbe, li boh mɛn ni'cɛnbaambɛ uɲɛndun wuu ni isɛn kɛ ni. Ni la li boh bɛ bi'nun ni baba tɛn ni nuunh binib nɛ rí li pèkeh nɛ, ama ní li boh bɛ nin

ni'fɛl kɛ kɪ n̄ɛ ni boh Yonbdaan ma nnɔ bo. ²³ Ni teh nà kɛ la, ní li teh nè nin ni'fɛl kɛ tɛn ni teh ki dienh Yonbdaan nɛ, na teh ki dienh nib, ²⁴ kɪ li bɛn ki ye Yonbdaan Uwien li su nɛ nin u bonde' mimɔnm mà ki ble' bà yé u'yaab nnɔ. Ni teh ki dienh Kristo nɛ, wɔn nɛ cinbe ki yé ni'cɛnbaa. ²⁵ Wà teh nà bre la, Uwien li dɛre udaan ya tub u teh nà nnɔ bo nɛ, kimɛ Uwien ŋa ŋmɔbe gɛngɛnde.

4

¹ Iyonbe ya cɛnbaambɛ, li teh mɛn ni'yonbe nà cuube, ki la li yíe uba ki cɛn' u'tɔ; kɪ li bɛn kɪ ye ni'mɔ ŋmɔbe Cɛnbaa paaki bó.

Igbiere

² Li kàareh mɛn ki la pieh. Ni'kaare rí cèrɛ ní la gɔh kɪ li faareh Uwien. ³ Ní yekn kɪ li kàareh ki dienh ti'mɔ ŋɔ Uwien rí de tɛ usɛn tí wɔkn binib u'gbɛr, kɪ tɔke bɛ Kristo ya gbɛbɔlkaar tà bo n te lipɛkl ni nɔ. ⁴ Ní kàare wɔ ŋɔ rí tùɛrɛ kɪ n̄ɛn tigbɛbɔlkaar nnɔ upaan bo kɪ tɔke tù, n bi li tɔke tù ma bo.

⁵ Li ŋmɔbe mɛn miyɛnfuom, kɪ li te mɔnmɔnm nin bà ŋa yé Kristo yaab. Uyo wà ni laa' libònl ní tien nà mɔn la, tien nè mɛn. ⁶ Cèrɛ mɛn ni'gbɛr rí li tuu ki ŋmɛ kɪ suɔke, ní li jiiindeh wà kɛ ní kpɛ ní jiiin wɔ ma bo.

Ifuondfɔrkɛ

⁷ Ti'ninjɛ Ticik wà n yíe wɔ, u yé n'tonsɔntɔ Yonbdaan ya tuonl ni, ki sɔnh lɛ mɔnmɔnm nnɔ, li tɔke nɛ n'gbɛr kɛ. ⁸ N sɔnh wɔ ni'saan nà bo si: wɔ rí tɪ tɔke nɛ ti'gbɛr, kɪ saake ni'gbɛnɛnt nɛ. ⁹ N li cèrɛ wɔn nin Onesim nɛ rí tɔke. Onesim yé ti'ninjɛ wà

kpɛ ti li du u'bo nɛ, nɛ n yíe wɔ. U yé ni'yɔ nɛ. Bi baa' ni'saan la, bi li tɔke nɛ tigbɛr tà kɛ te ti'bùol.

¹⁰ Min nin Aristak wà te lipɛkl ni nnɔ fuondeh nɛ. Banabas ya ninjɛ Mark mɔ fuondeh nɛ. N là tɔke' nɛ u'bó ɲɔ, u lá baa ni'saan la, ní teke wɔ tinɔjɛr tule.

¹¹ *Yesu wà bi baan' wɔ Yustus nnɔ mɔ fuondeh nɛ. *Sufmbɛ bà yé Kristo yaab nnɔ ni, bɛn baba nɛ sɔnh nin nni Uwien ya bɛl ya tuonl. Bi yé binib bà saake' n'gbɛnɛnt nɛ. ¹² Ni'yɔ Epɛfa mɔ fuondeh nɛ. U yé [Yesu] Kristo ya tonsɔnl nɛ, ki kàareh uyo kɛ nin inunmón ki dienh nɛ ɲɔ ní li ɲuuke mitekjim mɔnmɔnm, kí kpére mi'ni kí tì gben, kí li yé binib bà bonde' bɛ ní li teh Uwien yíe nà kɛ. ¹³ Imɔn, n yé u'mɔnkunl ki ye u'nun mɔn ninbi nin Lawodise yaab nin Herapolis yaab bo cɛɛn nɛ. ¹⁴ Ti'jɔ Luk wà yé dɔktiɛ nnɔ nin Demas mɔ fuondeh nɛ.

¹⁵ Ní fuonde Kristo yaab bà te Lawodise ya du ni nnɔ, kí fuonde Ninfa nin Kristo yaab bà taakeh u'den nnɔ mɔ. ¹⁶ Ni kaan' kugbɔnku kuu la, ní cère bɛ ní kàan kù Kristo ya taanl là te Lawodise ya du ni nnɔ mɔ ni. Ni'mɔ ní kàan kùà li ñɛ Lawodise ya du ni kí baa ni'saan nnɔ. ¹⁷ Ní tɔke Akip kí ye wɔ ní tùrɛ kí liike Yonbdaan de' wɔ lituonl là nnɔ, kí li sɔnh lè mɔnmɔnm. ¹⁸ Inɔbonfɔrke yiɛ nɔ, min Pɔl nin n'yul nɛ ji kiɛh yè ki fuondeh nɛ*. La sunde mɛn n jèndeh ijend yà lipɛkl ni nnɔ bó.

Uwien ní juoke nɛ.

* **4:18** Kí ñɛ kugbɔnku kuu ya cinm kí lá baa 4:17 Pɔl lienh nɛ uba kiɛh, ama wɔn nin u'yul nɛ kele' migbiirm 18.

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
f30fbe0b-cda1-5a60-a4ee-8be80c6caef6